

Powšitkowne WOZJEWJENJA

njedźelu, 10. meje 2020

Wusyłanje Božemu službow live

Serbskorěčnu Božu mšu tutu njedźelu, 10. meje, móža wěriwi znowa jako livestream w interneće sčehować. Dupołdnja w 9 hodź. přenjese so wona z Chróšćanskeje cyrkwe. Z Ralbic wusyła so Boža mša we 8.30 hodź. tohorunja přez livestream, ale jeničce za słuchanje. Linkaj k wusyłanjomaj přez internet stej na stronje www.posol.de podatej. Sćelak MDR-Serbski rozhłós kemše wot tuteje njedźele, 10. meje, hižo njewusyła.

Pytaja hladanskeho nawodu

Hornjołužiski zwjazk Charity z.t. pyta za swoju socialnu staciju Budyšin-Kamjenc noweho hladanskeho nawodu. Tale stacija zastaruje z třomi decentralnymi teamami něhdźe 400 pacientow. Dokładne wupisanje je pod www.posol.de wozjewjene.

Póstny wopor młodžiny

Dekanatna młodžina móže swój póstny wopor hišće hač do njedźele, 17. meje, wote-dać abo na konto Bistum Dresden-Meißen, IBAN, DE65 7509 0300 0008 2948 79, pod hesłom „Póstny wopor 2020“ přepokazać.

Telefoniske poradźowanje

Hornjołužiski zwjazk Charity z.t. poskičuje w koronowej krizy telefoniske poradźowanje, ale tež prosće rozmołwy z tymi, kiž maja žadosć za tym, z někim so rozmołweć móc. Sobudžělačerjo Charity su wot pónđzele do pjatka wot 8 do 16 hodź. pod telefonowym čisłom (0 35 91) 49 82 20, ale tež pod mailowej adresu beratung@caritas-oberlausitz.de docpějomi.

Z mnichami so modlić

Cistercienski klóšter w Nowej Cali poskičuje, so wšědnje z tamnišimi mnichami přez internet w 19.15 hodź. rózowc a po tym wot 19.45 hodź. komplet modlić. Link na stronu je pod www.posol.de podaty.